



Septembara 16, 2021

Tapvainnak Kaujisautitsaulauttuk

UKausinga AngajukKâp Lampe pillugu Nunatsiavut kavamangata kiugusinga NunatuKavut Nunalet kaunsalingata nunamik satusaigumanninginnut

Una ilaliugutiliKutiktinut ilingajuk,

Nunatsiavut AngajukKaunigijangita kaunsallinga KaujisautiKatsiasimalimmat sunamik Kanuklu uKâlautiKajuKaKaktasimalimmangât nunaliuKatigengituni ammaluktauk Kagitaujatigut pitjutigillugit Labradorimiut Inuit ammaluktauk NunatuKavut Nunalinginni kaunsallingit (NCC-ngunigâktat). TusaktitauKaktasimaligakталu unuktunut isumâlunnamaginninganik Nunatsiavut AngajukKaunigijangita kaunsallingit KaujisautiKajuksauninginniklu tamakkuninga uKâlautausimaliktunik, isumalotigijaksiniklu tusajuksaulinniktinik, sakKititsijutsaulinnitniklu uKausiksagijaktinik.

Ullumi, tamatsumingatsiak sakKititsigasualikKugut. UkpiniKaligakta tamatsuminga mânnautillugu sivukpiatitsijuksaulinnitnik tamanna uKâlautigilillugu malitsialugit ilitsi sakKititaukKuliktasi, ilaliugutiliKutiujusi, Kanuklu uKausiKasimalimmangâtsi tamatsuminga uvaktinut, ikpinaktisialillugit suliksiatut Kanuklu inolluta unikkausigijaktigut piusigisimaliktatinik taimangasuanit ammaluktauk inolluta sivullitinit kinguvâktinut taimangasuanit KaujimauiKatigenginnaniktinik ilagengulluta, ammalu Kanuk paitsisianginnatuksauniktinik namminiktâgutigisimajaktinik nunamik Inuillu piusituKagijanginnik. Inollutalu, utipviKainnaniakKugut piusigisimaliktatinik unikkausitigut, inollutalu sivullitinit kinguvâktinut KaujimauiKasimalinnititut ammaluktauk Kaujimatsainatsianginnaniktinik inuKutigijaktinik. Tamakkutigonalu KaujimaKatigetsianginnaniktigut uKautjuKatigetsianginnagakta kinaummangâktalu sunaummangâktalu.

Tuavilukangimagidluta Kimiggusiasimaligakta Kaujisatsiadlugitlu NCC-kut namminiktâgasuagiamut oktotigisimaliktangit taimaimmat Kaujimatsianitsaulilluta tikikviKagunnasisimalikKugut tungavigigunna-taktinik. Tungavigitlugit Kaujisautigisimaliktavut, Kaujisakvigisimaliktavutlu ammaluktauk piusigennasi-maliktangit inuKutigijakta, AngajukKaunigijakta kaunsallingit ilitaksinalungitut oktotigisimaliktanganik NCC-kut nunamik namminiktâgasuannimut. IlitaksimagaluakKugut ilangit ilaliutitausimajogaluat NCC-kunut immaKâ NunaKakKâsimajunik sivulliKasimajogaluat piusiKasimajogaluat, tamannaugajagaluak-tilugu NCC-kut tunitjiviujuksaulungitut Inuit piviksagijanginnik ammaluktauk pigunnalungitut namminiktâtausongugiamik nunamik Labradorimi. IlaliugutiliKutigijavut Nunatsiavutmi Inullagitovut Labradorimi.

Nunatsiavut kavamanga oktugautiksaminik tunitjisimalimmijuk idluatsaijutigut nâmmasingiutigigunnaga-jaktaminik Allait Innu Nation-ikut idluatsaijutigut akigaktotigijangitigut Canadaup kavamatuKanganik pitjutigillugu isumaksasiugutaujutsautillugu NCC-kut namminiktâgasuanningit. Tamatsumingalu ikpiniagutiKatsiamagigakta akKutiKagiaKalinnititik paitsiutitsagillugu inolluta pivitsagijaktinik, nunagijaktinik, piusituKagijaktinik ammaluktauk kinaunigijaktinik.

KaujimaktisitsianginnaniakKugut sivumuavalliagasuanginnaniannitini.
KaujimaktisiksianginnaniakKugutlu songusiktisivallianginnaniannitini Kaujimaniktinik, atsugotiKatsianginnaniakKugutlu paigitsianginnalugulu nunamik namminiKannivut kiggatuksianginnalugitlu ilaliugutiliKutigijavut, ikajutsisiagasuanginnaniakKugutlu Nunatsiavummiunik.